

SIARAN MEDIA

PUSINGAN DARI JALAN RAJA CHULAN KE JALAN IMBI DIBUKA SEMULA

Kuala Lumpur, 15 Mei 2014: Mass Rapid Transit Corporation Sdn Bhd (MRT Corp) ingin memberikan perkembangan terkini berhubung penutupan jalan di kawasan Bukit Bintang.

MRT Corp ingin mengumumkan pembukaan semula pusingan kanan dari Jalan Raja Chulan ke Jalan Imbi untuk semua aliran trafik. Satu lorong untuk pusingan ini dibuka kepada trafik pada jam 11:30 pagi hari ini.

Pusingan ini yang telah ditutup sejak 7 Mei 2014 adalah sebahagian daripada penutupan yang dilaksanakan di Jalan Raja Chulan, di antara Jalan Conlay dan Jalan Imbi, di mana berlakunya mendapan tanah yang dikesan di hadapan Ruang Pameran Audi dan Chulan Square.

Pada 13 Mei 2014, Jalan Raja Chulan dibuka kepada semua trafik yang menghala ke Jalan Tun Razak tetapi pusingan kanan ke Jalan Imbi masih ditutup pada masa itu.

Berikutan pembukaan semula jalan ini, penutupan yang masih dalam pelaksanaan adalah:

- i. Jalan Bukit Bintang (menghala ke Pavilion) di hadapan Ruang Pameran Audi, yang bermula pada 6 Mei 2014; dan
- ii. Jalan Bukit Bintang (menghala ke Jalan Tun Razak) di hadapan Bangunan LTAT dan Menara Worldwide (menghala ke Tun Razak) yang bermula pada 23 April 2014. Pengguna jalan raya yang menghala ke Jalan Tun Razak dari Jalan Raja Chulan akan dilencong ke sebelah bertentangan Jalan Bukit Bintang dibawah sistem trafik kontra.

LENCONGAN JALAN

MRT Corp menasihati pengguna jalan raya agar menggunakan jalan alternatif disebabkan penutupan yang dilaksanakan:

i) Jalan Bukit Bintang (menghala ke Pavilion):

Memandangkan sebahagian jalan di hadapan Ruang Pameran Audi masih ditutup kepada trafik, semua aliran trafik di sepanjang Jalan Bukit Bintang dari Jalan Tun Razak akan dilencongkan ke Jalan Imbi.



ii) Jalan Bukit Bintang (menghala ke Jalan Tun Razak)

Memandangkan sebahagian jalan di Jalan Bukit Bintang (menghala ke Jalan Tun Razak) di hadapan Bangunan LTAT dan Menara Worldwide (menghala ke Tun Razak) masih ditutup, pengguna jalan raya yang menuju ke Jalan Tun Razak dari Jalan Raja Chulan akan dilencongkan ke sebelah bertentangan Jalan Bukit Bintang dibawah sistem trafik kontra.

KESELAMATAN PEJALAN KAKI

Memandangkan penutupan-penutupan ini juga menjejaskan laluan dan lintasan pejalan kaki di kawasan terbabit, MGKT telah mengenalpasti beberapa laluan dan lintasan yang selamat untuk pejalan kaki. Para pejalan kaki dinasihatkan agar mematuhi arahan papan tanda yang diletak di sepanjang jalan.

Polis trafik dan Pasukan Tindakan Kecemasan Projek MRT juga telah dihantar untuk mengawal aliran trafik.


MRT Corp ingin memohon maaf diatas segala kesulitan yang berlaku dan akan memberikan maklumat terkini berhubung keadaan penutupan jalan dan pembukaan jalan.

Untuk maklumat lanjut, orang awam boleh melayari laman sesawang MRT

di www.mymrt.com.my atau www.mymrt-underground.com.my,

Twitter @MRTMalaysia atau @MyMRTUnderground, Facebook @MRTMalaysia atau dengan menghubungi Hotline MRT di **1-800-82-6868**.

TAMAT



Untuk pertanyaan media, sila hubungi:

MMC-Gamuda KVMRT (T) Sdn Bhd

Cik Jalina Joheng

03-23858625 / jalina@kvmrt-ug.com.my

MRT Corp

En Leong Shen-li

012-3196602 / leong.shen-li@mymrt.com.my